



Duzgvej Rox Mbin Lo

小青蛙会飞了

ngatngat!”

Duzgvej hix mbouj fatheiq, de hix haengj guhriu, ndigah couh youz gvaqdaej, yat hwnj haenzdah, baez gaem gienz couh guhriu baiq coh mbongjmbwt baez ndeu, riuhehe naeuz: “Daeggo ha, mwngz sinhoj lo! Daegnuengx youzraemx hix dwg lienh goengfou ne.”

Mbongjmbwt ndaeng ngwt sing ndeu, mbe mbe bak naeuz: “Mwngz oknyouh lij mbouj caengz rox fuengyiengq bw, couh rox gijmaz lienh goengfou lo!”

Vahriu gangj gvaqbouh lo! Ndigah, duzgvej dingq le, gamj-daengz mbongjmbwt yawj mbouj hwnj de, couh miz di hozhwnj, najnding dwk euq naeuz: “Gou mbouj lumj mwngz gangj nei gijmaz cungj mbouj rox!”

“Yo, duzgvej rox lai lo, miz goengfou lo!” Mbongjmbwt lij gangjriu dem, de siengj gik duzgvej.

Duzgvej bouxiq singq giengz, mbouj fug dwk han naeuz: “Gaej yawj mbouj hwnj vunz, gou yienznaeuz iq, hoeng dauhleix hix rox, goengfou hix mbouj yaez!”

Mbongjmbwt bak vaiq, youh

naeuz: “Mwngz iqetet, miz maz goeng-fou? Aeu vunz yawj ndaej hwnj dawz goengfou fug vunz! Gijmaz cungj mbouj gangj gonq, mwngz sikhaek bae gaeb non yawjyawj!”

Duzgvej sikhaek diuq ndaw naz bae gaeb non. De baez raen duznou, couh diuqyat hwnjbae, iet linx baez myab gaeb daeuj gwn. Duz mbajhaeux ndeu mbin ndaej lai sang lai gyae di, de couh gaeb mbouj daengz lo.

Mbongjmbwt riu naeuz: “Fug luba? Caen dwg ‘gvej iq sing hung’, duzgvej couhdwg gangjboq daih-vuengz!”

Duzgvej naj engq nding lo, naeuz: “Gou haxbaenh ngamq lienh youzraemx hwnjdaej, caengz ndaej yietnaiq, miz di baeg, hoeng, gou lij miz banhlap.” Gangj sat couh diuq gwnz laeng duzsae hung ndeu bae.

Duzsae raihgyaenggyaeng baenaj. Duzgvej maeuq gwnz laeng duzsae, mbouj doengh saekdi, raen duzmbaj mbin gvaqdaej lo, baez yat couh gaeb dawz lo.

Mbongjmbwt yawj dwk, haenh naeuz: “Va, duzgvej baenzneix ak ha, diuq ndaej youh sang you gyae, lumj

mbin nei!”

Duzgvej hix siengj loengh mbongjmbwt baez ndeu, couh daekeiq naeuz: “Duzgvej lij siengj gwn noh hanqmbwn ne!” Gangj dwk couh yat gwnz laeng mbongjmbwt bae, gaem dawz laeng mbaq mbongqmbwt, ngauz song ngauz, nyoengx song nyoengx, naeuz: “Daeggo, byawz heuh mwngz haxbaenh yawj mbouj hwnj gou! Gou mbouj rox mbin, mwngz couh daiq gou mbin baez ndeu ba!”

Mbongjmbwt angq dwk riuhaaha naeuz: “Mwngz caen manz! Ndei ba, byawz heuh gou dwg daeggo ne! Gou couh daiq mwngz mbin baez ndeu. Mwngz rex maenh lo!”

Duzgvej naengh ndei lo, mbongjmbwt baez mbe fwd couh mbin hwnjdaej.

Duzgvej naengh youq gwnz laeng mbongjmbwt mbinfwf, angq raixcaix, de cik fwngz gaem maenh laengmbaq mbongjmbwt, cik fwngz yaengx dwk vad ha vad, swenj dwk: “Haha, duzgvej rox mbin lo!”

Mbongjmbwt naeuz: “Cijaeu gaenx lienh, haengj ngeix, gamj guh, couh gijmaz cungj mbouj nanz lo!”

(Ganh Sozywnz/甘说文)

Dou Caemh Siengj Mbin

我们也想飞

Duzdoq Lozloz caeuq duzmeuz Mihmih bingzseiz cungj dwg angq-fwngfwng haenx, geij ngoenz neix gyoengqde mbouj sim’angq lo. Aenvih roegenq Gizgiz baengzyoux gyoengqde yaek biek baihaek bae baihnanz gvaq doeng.

Roegenq Gizgiz gangj: “Gou maqmuengh gyoengqsou ndaej caeuq gou itheij bae baihnanz. Dingqgangj seizdoeng baihnanz ndeiawj raix-caix, gij faex lij dwg heusubsub, lij miz haujlai va hai, couh lumj seizcin baihaek ityiengj!” Duzmeuz Mihmih siengsim gangj: “Dangh-naeuz gou hix rox mbin couh ndei lo!” Sawqmwh, Mihmih siengj ok aen banhlap ndeu, de angq dwk hemq naeuz: “Raeuz ndaej cauh aen feihhingzgi he, yienghneix raeuz couh ndaej itheij mbin bae baihnanz lo!”

Sam baux baengzyoux gangj guh couh guh, Mihmih haengj vehduz, yienghneix Mihmih couh dajveh aendoz feihhingzgi, Gizgiz caeuq Lozloz bae ra mbawfaex, sienggyauh, gaeu, faex, naengdiet daengj. Gyoengq doenghduz ndaw ndoengfaex dingq gangj gienh saeh neix le, daihgya cungj daeuj bang, daihgya miz mbanj bang doq benj, miz mbanj bang daz youzcaet…… Gyoengqde dingding dokdok, mboujduenh sawq guh, ginggvaq cib geij ngoenz roengzrengz guh, aen feihhingzgi “roegenq it hauj” cauh ndaej lo. Ngamq guh ndaej, Lozloz



couh deq mbouj gib ndonj haeujbae, siengj baux daih’ it sawq mbin. Hoeng ngamq mbin hwnj, “roegenq it hauj” couh doek roengzdaej lo. Lozloz itmienh nu goekga in de, itmienh caeuq Mihmih genjcaz aen feihhingzgi. Yienzlaiz dwg gij doxbingz aen feihhingzgi miz vwndiz, daihgya itheij dauqungz diuzcingj gij doxbingz de. Gizgiz cujdung gangj: “Baezneix hawj gou daeuj sawqsawq yawj.” Baezneix aen “roegenq it hauj” mbin ndaej onjonj dangqdaeng lo, daihgya haengjheiq hemq naeuz: “Raeuz guh baenz lo, raeuz guh baenz lo!”

Mbouj geij nanz, Lozloz, Mihmih biek gyoengq baengzyoux ndaw ndoengfaex, hai aen “roegenq it hauj” caeuq roegenq itheij mbin hwnj mbwn bae. Gyoengqde doxcaez ndonj gvaq geh fwj, ciengq go dwk mbin bae coh baihnanz.

(sam nienzgaep Vuz Swwhyngj)

Ngoenzsinghiz, dax-meh bae aeu huq, gou bae bouq vwnzgiden daxmeh hai haenx bang guhhong. Gvaq yaep ndeu, miz baux boh’au ndeu daeuj cawx bit, de naeuz yaek gaujgauj gou, danghnaeuz gou dap doiq le, de couh lai cawx di bitmaeg. Gou dapwngq lo.

Boh’au riu dwk naeuz: “Gou yaek cawx bityenzcuhbiz gonj 2 maenz haenx caeuq gangbit gonj 5 maenz haenx gungh 10 gonj, hawj mwngz 41 maenz, mbouj yungh cau cienz, mwngz wnggai hawj gou geij gonj bityenzcuhbiz, geij gonj gangbit?”

Gou siengj mbat ndeu, naeuz: “Bityenzcuhbiz 3 gonj, gangbit 7 gonj.”

Boh’au miz di mbouj saeng naeuz: “Siuj baengzyoux, mwngz dwg guj ba?”

Gou saengsim cibcuk naeuz:

Gwnvi Dwg Fuk

吃亏是福



Daxboh daxmeh ciengz lwnh gou nyi, gwnvi dwg fuk.

Geiq ndaej miz baez ndeu, lwnz daengz cuj gou cizyiz, cuj daihngaih

Boh’au Gvaiq

怪叔叔

“Gou mbouj dwg guj, gou dwg yienghneix siengj, gyajsiengj 10 gonj cungj dwg gangbit, aeu $10 \times 5 = 50$ (maenz), beij saedcaeq lai $50 - 41 = 9$ (maenz). Aeu gonj bityenzcuhbiz ndeu yawj baenz gonj gangbit ndeu couh lai $5 - 2 = 3$ (maenz), yienghneix couh gouz ndaej ok bityenzcuhbiz dwg $9 \div 3 = 3$ (gonj), ganghbit dwg $10 - 3 = 7$ (gonj).”

Boh’au haenh gou coengmingz, lij caen lai cawx haujlai bitmaeg. Doeklaeng, gou cij rox boh’au dwg ranzden gou ngamq buen daeuj haenx, de vanzlij dwg baux suyoza lauxsae ndeu.

(seiq nienzgaep Dangz Yizcenz)

caeuq cuj daihsam miz mbanj doengzhag hix daeuj bang dou. Gvaq yaep ndeu, miz vunz cam: “Daengz byawz dauj nyapnyaj la?” Gou rox dwg lwnz daengz doengzdaiz gou dauj nyapnyaj lo, hoeng de ngoenz haenx mbouj daeuj, gou couh cawjdoengh gvaqbae dawz nyapnyaj bae dauj. Baengzyoux gou yawjraen le, naeuz: “Youh mbouj lwnz daengz mwngz dauj, gaej guenj baenz lai lo.” Gou riu naeuz: “Gwnvi dwg fuk. Mwngz yawj, lij miz vunz daeuj bang dou cizyiz ne!”

(seiq nienzgaep Lij Binghyenz)